

CHANSON NOUVELLE EN PATOIS DE LILLE

1873

Chantée par la Société

Chantée par la Société

LA REVANCHE

établie

à l'Estaminet du Sonneur

RUE St-MICHEL, 12.



LA REVANCHE

établie

à l'Estaminet du Sonneur

RUE St-MICHEL, 12.

L' BARAQUE DU DIABLE VERT

Air du Lundi de Pâque.

L'Dimanche de l'Ducasse de Fives

J'vous jure que j'ai rigolé
J'm'in vé avé m'femme Elise
Histoire de nous pourmener
V'là que j'vos une baraque
Qu'on juo la comédi
J'dis à m'femme pou vire Jaque
Viens et introns ici.

2

J'acoute un air de mu-ique
De ch'l'orchestre à tour de bras
Comme l'annonce étot commique
Nous introns pour nous vire cha.
Pour mi pouvoir mieux vire
Y queminche à bosculer
J'ai r'chu sans l'vire venir
Un cop d'poing su min nez.

3

Malgré ch'cop d'poing su l'visache
Je ne m'avos point tourmenté
J'finis par trouver une plache
Quand on a qu'minché à jouer.
J'intinds un cop d'sonnette
Infin, v'là l'rideau l'vé
D'vir tout's chés marionnettes
Ah ! comme j'ai rigolé.

4

J'vos v'nir in grand équipache
Des marquises et des seigneurs
Pour signer l'contrat d'mariache
D'un prince qu'on appelle la fleur
Je n'consints point, dit l'père,
D'marier m'fille à ch'viux duc
Mais, d'rache, el diable vert
Y li brûle s'perruque.

5

Pour continuer ch'l'affaire,
L'directeur vient annoncer
La maladi maginaire
Ch'est là qu'j'ai l'pus rigolé.
J'vos v'nir un crocodile
Qui invale un infant,
Un homme qui s'deshabille
Tout comme si s'ro vivant.

6

Comme on qu'minche l'trosième acte,
V'là qu'par malice un garchon,
Pour faire culbuter l'baraque,
Y avot défail les boulons.
Comme y n'y avot grande foule
On étot bien assis,
Tout d'un cop, j'sin qu'cha croule,
V'là tout l'monde inglouti.

7

Ch'tot eune séquoi d'drôle tout d'même
Ed'vir tout ch'monde culbuter,
Les hommes aussi bien qu'les femmes,
Y n'povotent pas se r'lever.
L'directeur ed détreche
Dit : N'faut point vous saisir
Car ch'est comme cha dains l'pièche,
Et j'oblios d'vous l'dir.

8

On vante, comme pus biell baraque,
Saint Antoine et puis l'codière
J'vos assure que ch'est eune craque,
Pour mi, rien n'vaut l'diable vert.
Tout l's ainnées, à la foire,
Chelle baraque à deux sous
Pour l'vir, vous pavez m'croire,
Tout l'monde s'cass'ra l'cou.

REFRAIN.

Ah ! qu'j'ai eu du plaisi
Dins chell biell baraque
Et, rien qu'd'y penser,
J'ai incor l'invie d'rigoler.
J'peux vous l'assurer
N'croyez point que j'blague,
Ch'est mieux que l'codière,
Vive l'baraque du Diable-Vert.

HÉLARD VICTOR.

(1873)

B.N. LILLE

Chanson n°2